



# basic education

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS**

**ISINDEBELE ILIMI LOKUTHOMA LOKWENGEZA (FAL)**

**IPHEPHA LOKUTHOMA (P1)**

**2021**

**IMITLOMELO: 80**

**ISIKHATHI: Ama-iri ama-2**

**Iphepheli linamakhasi ali-12.**

**YELELA**

1. Iphepheli LINEENGABA EZINTATHU: ISIGABA A, ISIGABA B kanye NESIGABA C.

ISIGABA A: Ukufunda nokuzwisisa (30)  
ISIGABA B: Ukurhunyeza (10)  
ISIGABA C: Izakhi nemithetjhwana yokusetjenziswa kwelimi (40)

2. Phendula YOKE imibuzo.
3. Thoma ISIGABA ESINYE NESINYE ekhasini ELITJHA.
4. Thalela ngemva kokuphendula imibuzo YESIGABA NGASINYE.
5. Tlola iinomboro zemibuzo njengombana zinjalo ephepheni lemibuzo.
6. Tjhiya umuda OWODWA ngemva kwaleyo naleyo pendulo.
7. Peleda amagama ngendlela efaneleko bewutlole nemitjho ezwakalako.
8. Isikhathi esiphakanyisweko sokuphendula ISIGABA NGASINYE:
- ISIGABA A: Imizuzu ema-50  
ISIGABA B: Imizuzu ema-20  
ISIGABA C: Imizuzu ema-50
9. Tlola kuhle ngesandla esibonakalako.

**ISIGABA A: UKUFUNDA NOKUZWISISA****UMBUZO 1**

Phendula UMBUZO 1.1 KANYE NOMBULO 1.2.

1.1 Funda itheksthi engenzasi bese uphendula imibuzo elandelako.

**ITHEKSTHI A****UMNYAKA WABONONGORWANA BAMAKHGONO  
NAMATHALENTE**

- 1 ISewula Afrika ikhombise tihatjhalazi bona iphuma phambili ngamakghono namathalente kezobukghwari nezemidlalo emnyakeni wee-2019. AmaSewula Afrika anamakghono namathalente emikhakhakheni ngokuhlukahlukana. Ekorweni yomvumo wamakhowa kuvelile lokha iNdlovu *Youth Choir* ibeke inarha yekhethu esiqongolweni ngokobana izibandakanye ephaliswaneni le-*America's Got Talent*. Ibuya endawaneni esakhasa phasi ngetuthuko ebizwa bona yiDennilton esesifundeni sangeLimpopo. Indawana le yatjhudubazwa ngoDorhoderu uHugo Tempelman. 5
- 2 'Ngemva kokufumana iziqu zami zobudorhodere ngakhetha ukuzokwenza umehluko ebantwini abadosa emhlweni ekufumaneni isekelo lezepilo. Ngakhetha iDennilton eyayisesengaphasi kwaKwaNdebele ngesikhathi sebandlululo.' Kutjho uTempelman odabuka eNetherlands omsunguli we-Ndlovu *Care Group* ekungiyi eyasekela umvumo wekhwaya. INdlovu *Youth Choir* yadosa amehlo wephasi ngemisikinyo yomzimba nomvumo owathinta imizwa yabantu neyabosaziwako yafinyelela emzombeni wokucina ephaliswaneni. Yathumba iinhliziyi zamajaji anjengomdlali wamafilimu uGabrielle we-Amerika noSimon Cowell omlingisi kumabonakude we-England. 10
- 3 Abavumi abazitlamele iingoma zabo nabo azange bazibeke phasi. Umntazana osakhulako kezomvumo uSho Madjozi wahlangahlanganisa abantu ephaliswaneni i*Bet Awards* ngengoma yakhe ethi 'John Cena'. Ababukeli bamkhetha njengomvumi ophume phambili hlangana nabavumi abaziwa khulu ababuya e-UK neNigeria, wabuya nonongorwana we*Best New International Act*. Kwabangathi uvulele nabanye abentazana umnyango. Endaweni yemakhaya eSidwadweni esifundeni seTjingalanga Kapa kwavela omunye othuthukisa italente lakhe lakanobuhle. Indabakhe yathoma ngomnyaka wee-2015. Watlonyeliswa ngokuba nguNomhlekhabo wesiqhema sebhola iMamelodi Sundowns. 20
- 4 Kuthe ngomnyaka wee-2017 wangenela iphaliswano lokuba ngunomhlekhabo wenarha kodwana wahluleka emzombeni wesibili. Ngomnyaka wee-2019 ngenyanga kaRhoboyi wathumba waba nguNomhlekhabo wenarha yeSewula Afrika. Ukuthumba kwakhe kwavusa amehlo khulu ngombana wangenela iphaliswano ngeenhluthu zakhe zemvelo ebezigidwe kuhle bezimfanela. 30

5	Hlangana namajaji awakarako bekunoCatriona Gray ebakaphethe unongorwana wokuba ngunomhlekhabo ( <i>Miss Universe</i> ) wephasi mazombe. Kuthe ngenyanga kaNobayeni ngawo umnyaka wee-2019 wathumba unongorwana wokuba ngunomhlekhabo wephasi mazombe ( <i>Miss Universe</i> ). Lokhu kwamenza waba mSewula Afrika wesithathu ukuthumba iphaliswaneli, kodwana wokuthoma ebantwini abanzima. Ngemva kokuthumba kwakhe uphawule wathi 'Ngicabanga bona into eqakatheke khulu kufundisa abentazanyana ubudosi phambili. NguZozibini Tunzi ke loyo umntazana owakhulela emakhaya eSidwadweni.	35 40
6	Abentazana bebhulo ephoswako ( <i>netball</i> ) nabo bayifaka emebheni iSewula Afrika ngemva kokwehlula zoke iinqhema ze-Afrika amahlandla amathandathu ngokulandelana, baba bathumbi be- <i>African Netball Cup</i> ngamagondelo ama-72 kwama-53 nababetha iZambia emnyakeni wee-2019. USodorobha weKapa uDan Plato obanikele unongorwana uphawule wathi 'Nginyanithokozisa, nidlale kuhle. Ngithokoza nokuzibandakanya kwenu emkhakheni wezemidlalo.' Ikhamphani yakwaSpar yafunga bona umdlali ngamunye uzokutlonyeliswa imali engangee-R10 000, lapha kubalwa ngitjho nabaphathi besiqhema. Esinye isehlakalo esenze bona amaSewula Afrika akhohlwe bona ngokwehlukana ngemibala nangamalimi ngesamhlana amalanga ama-2 kuSinyikhaba emnyakeni wee-2019.	45 50
7	Isiqhema samaBhokobhoko sikhombisile bona ikghono lokudlala umakhakhulararhwe libuzwa kiwo. Emizuzwini esithandathu ngemva kwesiqupto sesibili kwaba uPollard wafaka iphenalithi eyaletha ummoya wokuthumba ngamagondelo ali-15 kasi-6. Kusukela lapho azange asaqala emva amaBhokobhoko ayibeka esiqongolweni iSewula Afrika ngamagondelo ama-32 kali-12. UFrancois Louw omumuntu omhlophe nongumakekere kumakhakhulararhwe ngemva kokuthumba uphawule wathi 'USiya bekanomthwalo obudisi emahlombakhe njengoKapteni wokobana akhumbuze abadlali bona njengesitjhaba sibuyaphi begodu sesikuphi.'	55 60
8	USiya Kolisi isokana elikhulele eTjingalanga Kapa eZwide nasele amphakamisile unongorwana wathi 'Solo ngabelethwako azange ngiyibone iSewula Afrika inje. Kizo zoke iintjhijilo esibe nazo umbanduli wasitjela bona asizidlaleli thina sidlalela abantu esibatjhiye ekhaya. Sithokoza loke isekelo lenu, ebantwini abasemathaveni, eempotini, emaplasini, nakilabo abanganamakhaya. Ngiyathokoza, siyanithanda maSewula Afrika begodu nasisebenzisanako singaphumelela kinanyana yini.' U-Erasmus bamthulela ingwani ngekghono lakhe lokukhetha abadlali tjhatjhalazi ngendlela enqophilko nengakhethi mbala. Lokhu kwengezelelwe khulu nabudosiphambili bukaKolisi obenze bona isiqhema sibe yinyanda. Amakghono wobukghwari nezemidlalo aphume phambili ngomnyaka wee-2019 eSewula Afrika.	65 70

[Ithethwe ku-inthanethi yatjhugululelwa esiNdebeleni]

1.1.1 Tlola iphaliswano elalingenelwe yiNdlovu Youth Choir. (1)

1.1.2 Tlola indawana nesifunda lapha kuvela khona iNdlovu Youth Choir. (2)

- 1.1.3 Hlathulula unobangela owenza bona uDorhoder Tempelman angasebenzi ekhabo eNetherlands. (1)
- 1.1.4 Ngokurhunyezweko hlathulula bona ngikuphi okwenza bona iNdlovu *Youth Choir* igcine isemzombeni wokugcina wephaliswano le-*America's Got Talent*. (2)
- 1.1.5 Hlathulula okufanako phakathi kukaSho Madjozi nekhwaya iNdlovu *Youth Choir*. (2)
- 1.1.6 Hlathulula bona ngikuphi okwakuhlukile okwenza uZozibini Tunzi bona athandeke kunabonobuhle ebakhe bangenela amaphaliswano ngaphambilini. Ipendulwakho ayibe liphuzu ELILODWA. (2)
- 1.1.7 Sekela isitatimende esilandelako ngephuzu ELILODWA.  
Ukubekwezela nokungapheli amandla ngikho okwenza uZozibini bona agcine afinyelele ephaliswaneni lakanomhlekhabo lephasi mazombe. (2)
- 1.1.8 Phendula ngoLIQINISO nofana AKUSILO IQINISO bese usekela isiqunto osithathako ngephuzu ELILODWA.  
Emnyakeni wee-2019 amakghono namatalente wobukghwari nezemidlalo avela khulu ebantwini bengubo eSewula Afrika. (2)
- 1.1.9 Ukudlala nokuthumba kwamaBhokobhoko ibhegere yephasi kwaba namuphi umthelela eSewula Afrika nawuqalisa khulukhulu:  
A Esitjhabeni seSewula Afrika. (1)  
B Kezomnotho. (1)
- 1.1.10 Khetha ipendulo enembako kezilandelako.  
Amagama athi 'ngicabanga bona into eqakatheke khulu kufundisa abentazanyana ubudosi phambili' ahlathulula bona.  
A Abadosi phambili babantu bengubo bayatlhayela.  
B Banengi khulu abadosi phambili babantu bengubo.  
C Akukafananeli kube nomdosi phambili ongumma.  
D Bazi khulu abadosi babantu bengubo. (2)
- 1.1.11 Ucabanga bona ngisiphi isifundo esatholwa maSewula Afrika nawuqalise kokulandelako:  
A Izenzo zakaDorhoder Hugo Tempelman. (1)  
B Indlela u-Erasmus enza ngayo izinto nakambanduli wesiqhema senarha sakamakhakhulararhwe. (1)

1.1.12 Ngokubona kwakho ucabanga bona ngikuphi okungenziwa ukukhuthaza abantu ebakhulele endaweni zemakhaya bona bangazithatheli phasi? Ipendulwakho ayibe liphuzu ELILODWA. (2)

1.1.13 Ngokubona kwakho ucabanga bona ngikuphi ongathi uZozibini akakwenze ukusiza abentazinyana bona babe badosi phambili bakusasa. Ipendulwakho ayibe liphuzu ELILODWA. (2)

1.2 Qalisisa isithombe esingenzasi bese uphendula imibuzo elandelako.

### ITHEKSTHI B



[Sithethwe ku-[www.images.com](http://www.images.com)]

1.2.1 Tlola isikhundla sakamma ovezwe esithombeni esingehla ongakaphakamisi isandla. (1)

1.2.2 Ngokurhunyezweko hlathulula okwenzeka esithombeni esingehla. (1)

1.2.3 Ukuphakamisa izandla nemino kwabantu abasesithombenaba kusitjelani ngemizwa yabo? (1)

1.2.4 Ucabanga bona ihlobana njani iVodacom nabantu abavezwe esithombeni esingehla? (1)

1.2.5 Ngokubona kwakho ucabanga bona uyoba yini umphumela ebantwini abasesebatjha nabasafundako nababona isithombenesi? Ipendulwakho ayibe liphuzu ELILODWA. (2)

**IMITLOMELO YESIGABA A: 30**

**ISIGABA B: UKURHUNYEZA****UMBUZO 2**

Fundisisa itheksthi engenzasi bese uyayirhunyeza ngamaphuzu ali-7 amayelana **neendlela ezingenza bona imizimbethu ihlale iphilile.**

**IMIYALO:**

1. Amagama angadluli kwama-60.
2. Nombora imitjhwakho kusukela kewoku-1 bekufike kewe-7.
3. Umutjho ngamunye owutlolako awube nomqondo OWODWA.
4. Tlola ngelimi elitsengileko ngombana uzokwabelwa imitlomelo emi-3.
5. Sebenzisa amagamakho ngendlela ongakghona ngayo ungabuyeleli utlole okusesirhunyezweni.
6. Tlola inani lamagama owasebenzisileko ekupheleni kwesirhunyezo.

**ITHEKSTHI C****IPILO MZIMBA OPHILILEKO!**

Indlela esiphila ngayo, ukuthuthuka kwethekhnoloji nokudla esikudlako kunomthelela omumbi emzimbenethu. Kukatelelekile bona sizisebenzise zoke iindlela ezingenza bona imizimbethu ihlale iphilile.

Phila ngokuthabulula umzimbakho nawuzakuhlala uphilile. Ukuzithabulula kuvuselela ipilo yomzimbakho. UDorh. Erica Wigdor uyelelisa bona akuphagwe iinkoloyi kude neentolo kukhanjwe ngeenyawo. Kunamalwele angana ngamagciwani emzimbeni. Hlamba izandla zakho nawubuya endlwaneni. Lokhu kwenze nanyana ugade uhlangana nabantu abanengi njengalapha kuneenthuthi zomphakathi. Ukuhlambokhu kuqeda ukusabalala kwamagciwani.

Umzimba awusebenze kodwana kuqakathekile bona ulale ngokwaneleko. Ukulala kupholisa bekulungise ihliziyo nemithambo yeengazi. Nanyana ungalala ama-iri amahlanu kodwana nawungabalekela ukucabanga ngezinto ezikutshwenyako engqondweni umzimba uyaphumula, uvuke uphile tswe. Ipilo yanamhlanje inezinto ezinengi ezibanga ukugandeleleka ngokomkhumbulo. Nawuzakuhlala uphilile, lawula ukugandeleleka ngokomkhumbulo.

Imizimba yethu inamaphesende angaba ma-70 wamanzi. Sela khulu amanzi. Amanzi alawula izinga lokutjhiswa emzimbeni, asize nokobana amathambo angaruhlani. Ungabi mamathe nelimu wena notjwala. Ungalingisi umvumi wengoma u3Kota nakathi 'Siyabutumpa'. Utjwala bubulala amasotja womzimba bugcine bubalekele nengqondweni, kanti kungenzeka ube sigqila sabo.

Nakunento ethileko engakalungi emzimbenakho unendlela yokukubikela. Lalela umzimbakho. Zihlolise kibodorhoda nawungazizwa kuhle ungatjhingisi ilanga. Abanye abantu baya msinyana kiboyisemkhulu ngebanga lokungalaleli umzimba. Landela ikulumo ethi 'Umntu kuzitjheja.'


[Sithethwe ku-inthanethi satjhugululelwa esiNdebeleni]

**ISIGABA C: IZAKHI NEMITHETJHWANA YOKUSETJENZISWA KWELIMI****UMBUZO 3**

Qalisisa isikhangiso esingenzasi bese uphendula imibuzo elandelako.

**ITHEKSTHI D**

**MFUNDI! UPHUMELELE NGAMALENGISO KODWANA UDOSA EMHLWENI NGEMALI. IASITHUTHUKISE ISIKHETHU** sisombululo sesitjhijilo sakho sokuya emazikweni aphakamileko. Thumela isibawo sakho sebhazari lingakatjhingi ilanga. Izokubhadelela zoke iindleko zakho.

**ASITHUTHUKISENI ISIKHETU**

- Kwamukelwa abafundi abayokwenza amabizelo anesifundo sesisindebele kwaphela.
- Kwamukelwa abafundi bababelethi abarhola ngaphasi kwe-R100 000 ngomnyaka.

[Sithethwe ku-[www.images.com](http://www.images.com)]

- 3.1 Tlola OKUKODWA okufunekako okuvezwe esikhangisweni okungenza bona isibawo sakho samukelwe. (1)
- 3.2 Buyelela umutjho ongenzasi bese ulungisa iimphoso zokutlola nokupeleda. (2)
- IASithuthukiseni isindebele yamukela abafundi abayokwenza isifundo sesindebele emazikweni aphakamileko.
- 3.3 Tsomula igama elibolekiweko esikhangisweni esingehla bewuveze nokobana libolekwe kiliphi ilimi. (1)



- 3.4 Buyelela umutjho ongenzasi bese ujamiselela igama elithalelweko ngeliphikisana nalo.

Kwamukelwa abafundi bababelethi abarhola ngaphasi kwe-R100 000 ngomnyaka.

(1)

- 3.5 Tlola ipambosi yesenzo esithalelweko emutjhweni ongenzasi.

Izokubhadelela zoke iindleko zakho.

(1)

- 3.6 Tlola umhlobo webizo elithalelweko emutjhweni olandelako bewutjho nokobana lisuselwe kisiphi isikhekhe sekulumo.

Mfundi! uphumelele ngamalengiso kodwana udosa emhlweni ngemali.

(2)

- 3.7 Dzubhula isitjho esisesikhangisweni esingehla bese wakha ngaso umutjho kuvele bona uyayazi ihlathululo yaso.

(2)

**[10]**

#### UMBUZO 4

Qalisisa ikhathuni engenzasi bese uphendula imibuzo elandelako.

#### ITHEKSTHI E



[Sithethwe ku-[www.images.com](http://www.images.com)]

- 4.1 Tlola izinto EZIMBILI ezisivezela bona abantwaba bangetlasini.

(2)

- 4.2 Buyelela utlole umutjho ongenzasi bese ujamiselela amagama athalelweko ngezabizwana zamabala.

USabelo akakatlole umsebenzi awunikelwe izolo.

(2)

- 4.3 Buyelela umutjho ongenzasi uveze ukulandula.  
Itlaseli lande ngamahlongandlebe. (1)
- 4.4 Khupha iinkhekhe zekulumo ezakhe ibizoqarha/ibizomvango elithalelweko emutjhweni ongenzasi.  
Uwutlolile umsebenzami wayizolo? (2)
- 4.5 Buyelela utlole umutjho ongenzasi bese ukhulisa igama elithalelweko.  
Sewujame ngeenyawo kwenzenjani? (1)
- 4.6 Jamiselela amagama athalelweko ngehlathululo yawo.  
USabelo wabetha irhobhe ngaphambi kobana aphiwe invumo yokuya endlini encani. (2)

**[10]****UMBUZO 5**

- 5.1 Funda itheksthi engenzasi uyizwisise bese uphendula imibuzo elandelako.

**ITHEKSTHI F**

'Ngiyathokoza dade ngokungikhulisa nesekele lenu.' UNomakhuwa ukhuluma nje uyise nonina sebaba mathambo amhlophe. Udadwabo wathoma ukumkhulisa aseseneminyaka eli-10. Namhlanje kungoMgqibelo nangu sele abizwa ngoDorhoderi Ntuli. Namhlanje bamenzele umnyanya wokumthokozisa. Kuzwakale uMagobholi ongumakhelana athi 'Nantuli 5  
ubekezele bekwaba sekupheleni. Abontanga zenu balilelwa masana sikhuluma nje. Uyibambe njalo nemsebenzinakho.'

UNomakhuwa athi uphosa amehlo ngehlangothini langesidleni nangu uNaNtuli unina lakaVusumuzi ohlala eKhandlela amutjho ngeenthakazelo athi 'Halala uyikwekwezi mntakadade! Namhlanje ungudorhoderi! 10  
Mhlalukwana, Thuli lenyoka, ngelatjhiy' uSomhlangula latjhiy' uSombala.' Athokoze kwamva atshege iminyembezi, kazi umkhumbuza unina. UNomakhuwa athi, 'Ncancabe mani.' Amsingathe.

- 5.1.1 Tlola igama linye esikhundleni salawa athalelweko.  
UNomakhuwa ukhuluma nje uyise nonina sebaba mathambo amhlophe. (1)
- 5.1.2 Buyelela umutjho ongenzasi bese esikhundleni senani elithalelweko ulitlole ngamagama  
Udadwabo wathoma ukumkhulisa aseseneminyaka eli-10. (1)

- 5.1.3 Buyelela umutjho ongenzasi bese utlola isirhunyezo esikhundleni segama elithalelweko.  
Namhlanje kungoMggibelo nangu sele abizwa ngoDorhodera Ntuli. (2)
- 5.1.4 Zakhele umutjho ngegama elithalelweko kodwana liveze ihlathululo ehlukeleko.  
Abontanga zenu balilelwa masana sikhuluma nje. (2)
- 5.1.5 Hlathulula bona kubayini amagama athalelweko emutjhweni ongenzasi atlolwe ngokuhlukeleko.  
UNaNtuli unina lakaVusumuzi ubiza uNomakhuwa ngoNantuli. (2)
- 5.1.6 Buyelela umutjho ongenzasi uveze ikulumo engakanqophi.  
UNomakhuwa uthi, 'Ngiyathokoza isekelo lenu.' (2)
- 5.1.7 Thatha isitjho esithalelweko etheksthini engehla uzakhele ngaso umutjho kuvele bona uyayazi ihlathululo yaso. (2)
- 5.1.8 Hlathulula bona amagama la amumethe mnqondo bani bewutjho nokobana asetjenziswa nakwenzenjani.  
'Ncancabe mani.' (2)

5.2 Qalisisa isithombe esingenzasi bese uphendula imibuzo elandelako.

### ITHEKSTHI G



[Sithethwe ku-[www.images.com](http://www.images.com)]

Ngiyathokoza ngigcine ngikubone ngamehlo wenyama. Uyitsitsirimba yesokana!

5.2.1 Buyelela umutjho ongenzasi ube sesikhathini esadlulako.

USho Madjozi uhlanguka noJohn Cena eLos Angeles. (1)

5.2.2 Hlanganisa imitjho engenzasi ibe mumutjho owodwa ngokukhetha sinye seenhlanganisi eziseembayaneni.

Umvumi utlame ingoma ngaye. UJohn Cena uthabile. (kodwana, ngombana, nanyana) (2)

5.2.3 Buyelela umutjho ongenzasi bese unciphisa igama elithalelweko.

USho Madjozi unomzimba olula kungebangelo akghona ukuzigidela kangaka iingoma zakhe. (1)

5.2.4 Buyelela umutjho ongenzasi kodwana uveze ubunye.

Abavumi baletha ithabo ebantwini abatjha. (2)

[20]

IMITLOMELO YESIGABA C: 40  
INANI LOKE: 80